

671.4155

076

11

壺關縣志

臺南縣志目

卷首

繪圖

凡例

卷一沿革志

沿革

卷二疆域志

疆域

形勝

舖遞

關隘

山川

古蹟

物產

風俗

紀事

祥異附

遺事附

卷三建置志

城池

公署

學校

書院

社學

兵防

壇廟

寺觀

里甲

坊巷

鎮集

村庄

橋梁

卷四食貨志

田賦

丁徭

戶口

倉儲

稅課

鹽引

卷五官師志

官制

封爵

名宦

循績附

卷六選舉志

徵辟

仕進

進士

舉人

貢士

例貢

例仕

武科

武仕

封廕

卷七人物志

名德

循良

忠烈

孝義

鄉飲

仙釋

方技

卷八列女志

列女

卷九藝文志上

文類

卷十藝文志下

詩類

壺關縣志卷之九

藝文志上 文類

重修學宮記

邑令 朱輔 禾水人

壺邑文廟前志可考者自洪武呂侯拓之永樂馬侯成之越百餘年嘉靖戊申段侯再修丁酉何侯成之去今又一百餘載矣廟貌傾圯兩撫頽毀余蒞任來拜祗尚存榛礫間也瞻仰棟檐徘徊廊廡嗟嘆久之因歲歉恐傷民力乃與紳衿商之曰學宮之修廢人文之盛衰也山峻則風雨興焉澤深則魚龍集焉學宮固士人之山

澤也可不爲振興慮乎況

聖天子尊崇文教嘉惠學宮繡衣使者檄文屢至曷其
勉之余捐俸百金鄉紳士子咸樂輸勸事庠生楊振豪
慨然起曰予祖予父世膺顯爵科甲繩芳孰不出自學
宮水源木本敢自忘諸工未竣者予獨任之乃捐貲五
百金鳩工庇材廢者起之腐者新之頽者補之明倫堂
文昌閣魁星樓一時並興廟棟巍巍崇瞻仰也廡宇奕
奕隆陪祀也兩祠靡靡敦風孝也門牆肅肅煥觀瞻也
於是講集有堂靜業有室金碧璀璨耳目聿新洵哉文
明氣象矣泮水之詩曰濟濟多士克廣德心於茲

願士子遊焉息焉絃誦於斯焉景行仰止去厥舊習翻
然聿新滌志修行仰副

聖朝崇文之運其樹駿流鴻聯鑣奮翮寧有暨哉揚生
衆各當事請

首擢貢鄉紳馬萬里倡率樂助奉

恩施閭一朝舉事

聖澤寵嘉文運之興卽此一徵矣時共事捐助者學博
常在訓導侯諮縣尉魏濟浦各有輸工例皆書名

建文昌閣碑記

朱輔

文昌閣曷爲建乎曰以崇儒也曷崇乎爾曰士人文章

莫先德行司文行爲予奪者惟文昌故崇神卽崇儒也然則前此無有乎曰有一在東關外閣雖隆而久廢一在南關廂比失嚮明之義非所以揚奎光尊懿聖也予乃擇學宮復慕義捐資適觀樂成輪奐聿新誠壺林之偉觀彼都人士所瞻仰而敬禮之地歟予按天文志斗魁戴筐六星曰文昌在東方爲文明之象故士子多祀之夫星也而以神事之斗也而以人事之果古禮乎以懸象著明之列宿乃能下而與人通其語言文字果古者地絕天通之義乎雖然天之有帝也星之有君也猶人世之有主也星精降而鍾爲聖賢卿相聖賢卿相

箕尾而化爲列星也詩書所不諱安見天人之不相逼乎抑思士授命於神乎受命於已乎如受命於神也潔粢豐盛饗神而神象之未可知也如受命於已也世無不耕而獲者若在我修業有闕而乞靈於冥漠之神神其許之乎天垂象君子則之諸士共仰迓天休揆敷國華爲景星爲慶雲其爲文昌不更大也哉且予讀文昌垂訓及戒士子文二篇具於福善禍淫修身勵行之旨著明深切有裨於儒教最大今日取士者文章耳至糾德行稽淑慝文昌實主之所云三班四屬司厥行藏五部六臺考茲言行理有必然非虛語也不愧於儒斯不

罪於文昌是予建閣崇儒之旨也願告壺庠之多士共爲勉勗乃勒砥薰沐而爲之記

重修 關帝廟記

朱 輔

聖天子釐正祀典凡古今功德及民者祀之節義綱常昭垂久永者祀之所以正人心維風教也壺邑設有關帝廟從來久矣崇祀倍於他郡每置聖誕翠幄朱旛笙歌盈巷其雄鎮南關不特備春秋祭祀之典且以重名義萃風氣所係最重也甲午夏不佞承乏令壺下車展謁廟廷見殿宇穹隆軒廊聳峙巍然巨觀但中門屏牆逼仄徑路屈曲形勢卑狹非制也夫神有廟猶朝廷之

有宮殿也廟有門猶朝廷之有象魏也宮殿極其壯麗而參魏之崇閼之繁詎所以稱答陽之義乎丙申歲稔諸耆老俱歡躍從命不佞揀鶴糧之羨易民田五畝撤舊垣拓百步許直抵南陌社首鄉宦知縣馬萬里庠生趙耀等鄉約耆老等遂各捐資移大門而闢之廣其制度疊石盤基入者咸扱衽而登焉左右崇坊並峙建鐘鼓二樓晨昏鼙音鳧響隆隆若出天半門逼仄者廣而廠矣路屈曲者正且直矣氣象光昌規模曠遠質之形家蓄聚風氣始無遺議云且使後人瞻禮廟貌仰景威靈黃童白叟咸談節義喻名分凜凜於君臣之紀其有

禪風教其微哉若夫香亭之飾以巍軒也廡殿之列於東西也崇墻之屏於南岸也歌臺舞榭之增以雕欄也諸美畢備一時同事者學博常在侯諮縣尉魏濟蒲及諸社首善成予志圖度周詳董治勤苦賢勞之不可泯者例鐫石并書用示來茲

復修三老祭祀并立祠記

朱輔

余蒞壺邑詢以壺關三老之名皆云三人及讀劉公碑記始知三老乃漢時官名非三人也碑文辯論甚核必有所據令狐其姓茂其名也公餘之暇遠訪遺跡去城二十里見山隴宏厰碑限簪蟲知爲先賢古墓神靈應

爲呵護但樹木彫殘荒烟蔓草漸爲牛羊牧豎地矣前
朝春秋有祭像祀有祠兵燹之後廢弛已久因令狐氏
無後裔而奉祀無傳亦有司之責也夫壺關以三老重
而三老不僅以壺關重所關網常大義非小也乃擇城
中官地創立廟祀崇瞻仰也修墓祭復春秋享循舊典
也清佔地築水道防侵塌也植松楊禁樵牧肅神道也
庶不忘地因人重之義乎令狐氏在漢帝時未嘗如貴
舊戚畹傾動宮庭也未嘗有拾遺補過備員禁闈也乃
知者不敢言大臣不敢諍而訟太子寃者獨令狐氏上
書數言尊安主之心振蒲朝之色千載而下誦義不朽

者豈非以父子至性感格君心哉後巫蠱事白田千秋
有封侯之賞而令狐氏無聞豈徙薪與焦額殊科耶抑
令狐氏不願居其名耶雖江充之罪莫贖思子宮之淚
難收而輪臺一詔未必不因此言啟之所關於綱常大
義豈淺耶乃議者不察以爲有戰國俠士風不知若輩
志在功名耳讀令狐氏之諫議論愷切心事光明未始
欣心爵祿人品超絕群流與商山之皓並重千古豈可
與權謀之士同類並論哉

重修社學記

朱輔

周禮家有塾黨有庠此社學所自始唐宋以來因之所

以育一鄉之俊民童而習之長而安之乃培養人才之本也近日社學多廢不復知養蒙之功卽庠序園橋之禮尙置不講况鄉社乎壺邑城東一區堂宇數楹尙存社學之名予甚嘉之嘉其得古人之遺意也偶過其地聞讀書聲甚善遂入其室窺其帷見童子彬雅執經問字庠生吳上游課讀嚴格予欣歎曰有是哉壺邑風俗淳也敦古禮也吳子善迪教也能育才也惜規制湫隘不堪布席談經思有以廣之而居民鱗集不便擴地僅度其頽缺者補築焉堂之旁構廊舍堂之上加粉堊稍增數椽以待來學庶不失古者黨庠之風乎但不能多

置義田以廣瞻讀予又甚愧於古人矣予三試士其尤
者薦之學使升之庠官皆雋髦也安知異日偉才大器
增光鄉國者不儲於此乎皆有裨於風教之事不可不
一言以記

南關創建準提閣記

周再勲

上黨人

今有循良於此有能畢任罷土水之役者乎不能也但
爲地方起見動衆勞民則雖靈臺辟廱咸有子來之樂
白非然者卽章華栢梁齊雲落星祗築愁思怨耳况乎
翺起無因以神道設教乎在今日壺關隸上黨爲偏僻
下邑然秦置上黨郡壺獨踞巔而扼險要俯視中原辭